

春秋左傳杜注

春秋左傳杜注卷第八

華亭姚培謙

文公

名興僖公子母聲姜謚法慈
惠愛民曰文忠信接禮曰文

經元年春王正月公即位

無傳先君未葬而公即位不可曠年無君

○二月癸

亥日有食之

無傳癸亥月一日不書朔官失之○公羊經曰上有朔字

○天王使叔服來

會葬

叔氏服字諸侯喪天子使大夫會葬禮也

○夏四月丁巳葬我君僖公

七月

○天王使毛伯來錫公命

毛圃伯爵諸侯為王卿士者諸侯即位天子賜以命圭合瑞為信傳

十一年王錫晉侯命亦其比也○穀梁傳禮有受命無來錫命錫命非正也

○晉侯伐衛

晉襄公先告諸侯而伐衛雖大

夫親伐而稱晉侯從告辭也

○叔孫得臣如京師

得臣叔牙之孫

○衛人伐晉

衛孔達為政不共盟主與兵

衛國受討喪邑故賦禘人

○秋公孫敖會晉侯于戚

戚衛邑在頓邱

衛縣西禮卿不會公侯而春秋魯大夫皆不貶者體例已舉故據用魯史成文而已內稱公卒稱薨皆用魯史。今直隸大名府開州北七里有古城城此大夫專會諸侯之始

○冬十月丁未楚世子商臣弑其君頹

商臣穆王

也弑君例在宣四年。頹邱倫反

○公孫敖如齊

傳例曰始聘焉禮也

傳元年春王使內史叔服來會葬公孫敖聞其能

相人也

公孫敖魯大夫慶父之子

見其二子焉叔服曰穀也食子難

也收子

穀文伯難惠叔食子奉祭祀供養者也收子非子身也。見音現。食音嗣。難乃多反。

穀也豐下必有

後於魯國

豐下蓋西方為八年公孫敖奔莒傳

○於是閏三月非禮也

於歷法閏當在僖公末年誤於今年三月閏蓋時達歷者所議。古置閏皆在歲

終

先王之正時也。履端於始，舉正於中，歸餘於終。

步歷之始以為術之端。首暮之日三百六十有六日。日月之行又有遲速而必分為十二月。舉中氣以正月有餘日則歸之於終。積而為閏。故言歸餘

於終履端於始。序則不愆。四時無愆過舉正於中。民則不惑。

斗建不失其次。寒暑不失其常。故無疑惑。歸餘於終。事則不悖。四時得所則事無悖亂

○夏四月丁巳葬僖公。傳皆不虛載經文。而此經孤見知僖公末年傳宜在此下

○王使毛伯衛來賜公命。衛毛伯字叔孫得臣如周拜命。

○晉文公之季年。諸侯朝晉。衛成公不朝。使孔達

侵鄭。伐縣。訾及匡。孔達衛大夫。匡在潁川新汲縣東北。今河南開封府扶溝縣西有匡城。晉襄公既

祥。諸侯雖諒闇亦因祥祭為位而哭。按杜氏解諒闇為既葬除服心喪終制不與先儒同。使告于諸侯而伐。

衛及南陽

今河內地

先且居曰效尤禍也

尤衛不朝故伐今不朝王是效衛致禍時王在

温故勸之。且子餘反。

請君朝王。臣從師。晉侯朝王于温。先且居

晉臣伐衛。五月辛酉朔。晉師圍戚。六月戊戌。取之。

獲孫昭子

昭子衛大夫。食戚邑。

衛人使告于陳。陳共公曰。更伐

之。我辭之。

見伐求和不競。夫甚故使報伐。示已力。足以距晉。我為衛以辭謝。晉求和。

衛孔達帥師

伐晉。君子以為古。古者越國而謀

合古之道而失今事。新主之禮。故國失其邑。

見執辱

○秋。晉侯疆戚田。故公孫敖會之。

晉取衛田。正其疆界。

○初。楚子將以商臣為犬子。訪諸令尹子上。子上

曰君之齒未也

齒年也言齒少

而又多愛黜乃亂也楚國之

舉恒在少者

舉立也

且是人也讒目而豺聲忍人也

能忍行不

義

不可立也弗聽既又欲立王子職而黜大子商

臣

職商臣庶弟

商臣聞之而未察告其師潘崇曰若之何

而察之潘崇曰享江芊而勿敬也

江芊成王妹嫁于江芊亡氏反○史記以為成王妾

從之江芊怒曰呼役夫

呼發聲也役夫賤者稱○呼去聲

宜君王之欲殺

女而立職也告潘崇曰信矣潘崇曰能事諸乎

問能事職

否曰不能能行乎曰不能能行大事乎曰能

大事謂弑君

冬十月以宮甲圍成王

大子宮甲信二十八年王以東宮卒從子玉蓋取此宮甲

王請食熊

躡而死

熊躡難執其久將有外救。躡音煩。

弗聽。丁未，王縊。謚之曰靈，不瞑。

曰成，乃瞑。

言其忍甚，未餒而加惡謚。○瞑，亡丁反。謚法亂而不損曰靈。安民立政曰成。

穆王立，以其

爲犬子之室，與潘崇

○孔疏以其爲犬子之時所居室內財物，僕妾盡以與潘崇，非與其所居之宮室也。

使

爲犬師，且掌環列之尹。

環列之尹，宮衛之官，列兵而環王宮。

○穆伯如齊，始聘焉，禮也。

穆伯，公孫敖。

凡君即位，卿出竝

聘，踐修舊好，要結外援。

踐，猶履行也。○好，去聲。下同。要，平聲。援，于眷反。

好事鄰國，

以衛社稷，忠信卑讓之道也。忠，德之正也。信，德之

固也。卑，讓德之基也。

傳因此發凡以明諸侯諒闇則國事皆用吉禮。

○穀之役

在僖三十三年。

晉人既歸，秦帥秦大夫及左右皆

言於秦伯曰是敗也孟明之罪也必殺之秦伯曰

是孤之罪也周芮良夫之詩曰大風有隧貪人敗

類詩大雅隧躐徑也周大夫芮伯刺厲王言貪人之敗善類若大風之行毀壞衆物所在成蹊徑聽言則對誦言

如醉言昏亂之君不好典誦之言聞之若醉得道聽塗說之言則喜而答對匪用其良覆俾我悖

覆反也俾使也不用良臣之言反使我為悖亂覆音福是貪故也孤之謂矣孤實貪以

禍夫子夫子何罪復使為政為明年秦晉戰彭衙傳

經二年春王二月甲子晉侯及秦師戰于彭衙秦

師敗績孟明名氏不見非命卿也大崩曰敗績馮翊郿陽縣西北有彭衙城在今陝西西安府白水縣東北六十里郿戶納反○

丁丑作僖公主主者殷人以柏周人以栗三年喪終則遷入於廟○三月乙巳及晉

處父盟

處父為晉正卿不能主君以禮而親與公盟故貶其族族去則非卿故以微人常稱為耦以直厭不直不地者盟晉都

○夏

六月公孫敖會宋公陳侯鄭伯晉士穀盟于垂隴

垂隴鄭地滎陽縣東有隴城士穀出盟諸侯受成於衛故貴而書名氏穀戶木反○隴城在今河南開封府滎澤縣東北吳氏澍曰晉以士穀主盟魯以公孫敖仇三國之君皆非禮也

○自十有二月不雨至于秋七月

無傳周七月今

五月也不雨足為災不書旱五穀猶有收

○八月丁卯太事于大廟躋僖公

大事也

躋升也僖公閔公庶兄繼閔而立廟坐宜次閔下今升在閔上故書而譏之時未應吉禘而於大廟行之其譏已明徒以逆祀故特大其事異其文○吳氏澍曰四時之祭稱祭名而曰僖曰嘗者五廟各祭也曰有事于大廟者四廟之主遷于大廟而合祭也是為禘曰大事于大廟者毀廟之主亦與祭曰伯禽以下禘廟以上之主也

○冬晉人宋人陳人鄭人伐秦

合祭于大廟也是為大禘

四人皆卿秦穆悔過故用孟

明故聚四國大夫以尊秦

○公子遂如齊納幣

傳曰禮也僖公喪終此年十一

月則納幣在十二月也。士昏六禮其一納采。納徵始有立纁束帛。諸侯則謂之納幣。其禮與士禮不同。蓋公為天子時已行昏禮。

傳二年春秦孟明視帥師伐晉以報殽之役二月

晉侯禦之先且居將中軍趙衰佐之代卻王官無地

御戎代梁狐鞠居為右鞫居續簡伯甲子及秦師戰于彭

衙秦師敗績晉人謂秦拜賜之師以孟明言三年將戰於

殽也晉梁弘御戎萊駒為右戰之明日晉襄公縛

秦囚使萊駒以戈斬之囚呼萊駒失戈狼曠取戈

以斬囚禽之以從公乘遂以為右呼去聲曠音審乘去聲箕之役

箕役在僖三十三年先軫黜之而立續簡伯狼曠怒其友曰盍

死之暉曰吾未獲死所

未得可死處

其友曰吾與女為難

欲共殺先軫

暉曰周志有之勇則害上不登於明堂

周志

○難去聲

也明堂祖廟也所以策功序德故不義之士不得升○二語出汲冢周書大
匡解孔疏鄭立以為明堂在國之陽與祖廟別處左氏舊說及賈逵盧植蔡
邕服虔等皆以祖廟與明堂為一故杜同之 死而不義非勇也共用之為勇

共用死國

用○共音恭

吾以勇求右無勇而黜亦其所也

言今死而不義更成無勇宜見退

謂上不我知黜而宜乃知我矣

言今見黜而合宜則吾不得復言上不我知

子

姑待之及彭衙既陳以其屬馳秦師死焉

屬屬已兵○陳去聲

晉師從之大敗秦師君子謂狼暉於是乎君子詩

曰君子如怒亂庶遄沮

詩小雅言君子之怒必以此亂也沮止也

又曰王赫

斯怒爰整其旅

詩大雅言文王赫然奮怒則整師旅以討亂

怒不作亂而以從

師可謂君子矣秦伯猶用孟明孟明增修國政重

施於民趙成子言於諸大夫曰

成子趙襄施去聲

秦師又至

將必辟之懼而增德不可當也詩曰毋念爾祖聿

修厥德

詩大雅言念其祖考則宜述修其德以顯之毋念念也

孟明念之矣念德不息

其可敵乎

為明年秦人伐晉傳

○丁丑作僖公主書不時也

過葬十月故曰不時例在傳三十三年

○晉人以公不朝來討

討公即位不朝

公如晉夏四月己

巳晉人使陽處父盟公以恥之

使大夫盟公欲以恥辱魯也經書三月乙巳經傳必有誤

書曰及晉處父盟以厭之也

厭猶損也晉以非禮盟公故文厭之以示譏。厭於涉友。胡傳

諱不書公者抑大夫之仇不使與公為敵正君臣之分也

適晉不書諱之也

不書公如晉

○公未至六月穆伯會諸侯及晉司空士穀盟于

垂隴晉討衛故也

討元年衛人伐晉士穀士為子

書士穀堪其事也

晉司空非

卿也以士穀能堪卿事故書

陳侯為衛請成于晉執孔達以說

陳始與衛謀謂

可以強得免今晉不聽故更執孔達以苟免也。此即上所云我辭之者

○秋八月丁卯大事于大廟躋僖公逆祀也

僖是開足不得

為父子嘗為臣位應在下今居闕上故曰逆祀。孔疏禮父子異昭穆兄弟昭穆同故僖闕不得為父子同為穆其當闕在僖上今升僖先闕故云逆祀

二公位次之逆非昭穆亂也

於是夏父弗忌為宗伯

宗伯掌三宗廟之禮

尊僖公

且明見曰吾見新鬼大故鬼小

新鬼傷公既為兄死時年又長故鬼聞公死時年少弗忌

明言其所見

先大後小順也躋聖賢明也

又以傷公為聖賢

明順禮也

君子以為失禮禮無不順祀國之大事也而逆之

可謂禮乎子雖齊聖不先父食久矣

齊肅也臣繼君猶子繼父先去聲下同

故禹不先鯀湯不先契

鯀禹父契湯十三世祖

文武不先不窋

不窋后稷

子窋知律反

宋祖帝乙鄭祖厲王猶上祖也

帝乙微子父厲王鄭桓公父二國不以帝

乙厲王不肖而猶尊尚之

是以魯頌曰春秋匪解享祀不忒皇皇后

帝皇祖后稷

忒差也皇皇美也后帝天也詩頌僖公郊祭上天配以后稷

君子曰禮謂其

后稷親而先帝也

先稱帝也

詩曰問我諸姑遂及伯姊

詩前風也

衛女思歸而不得故願
致問於姑姊。○邶音佩。

君子曰禮謂其姊親而先姑也。

文公

父夏父弗忌從阿時君先其所
親故傳以此二詩深責其意

仲尼曰臧文仲其不仁者三

不知者三下展禽

展禽柳下惠也文仲知柳下惠之
賢而使在下位已欲立而立人

廢六關

陽關

之屬凡六關所以禁絕末遊而廢之○塞悉再反家
語作置六關注謂文仲置關以稅行者故為不仁

妾織蒲三不仁也

家人販席言
其與民爭利

作虛器

謂居蔡山節藻稅也有
其器而無其位故曰虛

縱逆祀

聽夏父
躋傳公祀爰

祀爰

居三不知也

海鳥曰爰居止于魯東門外
文仲以為神命國人祀之

○冬晉先且居宋公子成陳轅選鄭公子歸生伐

秦取汪及彭衙而還以報彭衙之役卿不書為穆

公故尊秦也謂之崇德

○陳氏傳良曰易為不序大夫將自士
經專盟書大夫自陽處父專將書大夫

是故春秋之始大夫將恒稱人由救鄭之後大夫始貶稱人矣李氏廣曰左氏尊秦之義非經意

○襄仲如齊納幣禮也凡君即位好舅甥脩昏姻

娶元妃以奉棗盛孝也

謂諒開既終嘉好之事通于外內外內之禮始備此除凶之即位也於是遣卿

申好舅甥之國脩禮以昏姻也元妃嫡夫人奉棗盛并祭祀。好去聲

孝禮之始也

公羊傳納幣不書此何以書譏何譏爾

譏喪娶也娶在三年之外則何譏乎喪娶三年之內不圖婚注僖公以十二月薨至此未滿二十五月又禮先納采問名納吉乃納幣此四者皆在三年之內

經三年春王正月叔孫得臣會晉人宋人陳人衛

人鄭人伐沈沈潰

傳例曰民逃其上曰潰沈國名也汝南平輿縣北有沈亭。與音餘。沈戶甚反今河南汝寧府汝陽

縣東南六十里有平輿故城沈亭在其地

○夏五月王子虎卒

不書爵者天王赴也程泉之國難輒假王命居

王因以同盟之例為赴。趙氏臣曰臣無外交之禮今死而封墓書以讖

○秦人伐晉

晉人恥不出以微老告。趙氏驕飛曰秦

穆公伐晉以報前日三敗之辱也而說者以穆公之霸在此齊桓晉文之霸在
人必有喪大之辭雖宋襄身無成春秋于曹南之盟亦必書將以揚于諸侯之
上今秦于殺之戰彭樹之役皆書師而于此乃書人豈謂其霸而反人之耶蓋
子之所謂五霸者其實桓文而已宋襄之敗固所不錄而秦穆楚莊皆無子辭
郵秦也 ○秋楚人圍江 ○雨蝨于宋

書○雨于付
反隋從火反

○冬公如晉十有二月己巳公及晉侯盟

○晉陽處父帥師伐楚以救江

傳三年春莊叔會諸侯之師伐沈以其服於楚也

沈潰凡民逃其上曰潰在上曰逃

潰泉散流移若積水之
潰自壞之象也國君輕

走羣臣不知其謀與匹夫逃竄無異是
以在衆曰潰在上曰逃各以類言之

○衛侯如陳拜晉成也

二年陳侯為
衛請成于晉

○夏四月乙亥王叔文公卒來赴弔如同盟禮也

王子虎與僖公同盟於翟泉文公是同盟之子故赴以名傳因王子虎異於諸侯王叔又未與文公盟故于此顯示體例也經書五月又不書日從赴也

○趙氏匡曰天子大夫無與諸侯盟之禮而曰禮也豈春秋之意乎

○秦伯伐晉濟河焚舟

示必死也

取王官及郊

王官郊晉地○今山西平陽府

臨晉縣東南七十里王官谷有廢壘即王官城也郊當為臨晉平陽間小邑

晉人不出遂自茅津濟

封殺尸而還

茅津在河東大陽縣西封埋藏之○大音秦○今平陽府平陸縣南有大陽渡即春秋茅津也

遂霸

西戎用孟明也君子是以知秦穆公之為君也舉

人之周也

周備也不偏以一惡弃其善

與人之壹也

壹無二心

孟明之臣也

其不解也能懼思也子桑之忠也其知人也能舉

善也

子桑公孫枝舉孟明者

詩曰于以采芣于沼于汜于以用之

公侯之事秦穆有焉

詩國風言沼汜之芣至薄猶采以共公侯以喻秦穆不遺小善

夙夜匪

解以事一人孟明有焉

詩大雅美仲山甫也一人天子也

詒厥孫謀以燕

翼子子桑有焉

詒遺也燕安也翼成也詩大雅美武王能遺其子孫善謀以安成子孫言子桑有舉善之謀

○秋雨蝨于宋隊而死也

蝨飛至宋隊地而死若雨○孫氏覺曰雨自上而下者也蝨不見其所從來

自上而下衆多如雨而在宋之匹境故曰雨蝨于宋也王氏樵曰書雨見災甚非隊而死也

○楚師圍江晉先僕伐楚以救江

晉救江在雨蝨下故使圍江之經隨在雨蝨下

冬晉以江故告于周

欲假天子之威以伐楚

王叔桓公晉陽處父

伐楚以救江

桓公周卿士王叔文公之子桓公不置其名不親伐○孔疏王叔文公不知何王之子叔遂以叔為氏桓公是

其子王叔陳生是其後也衛有公叔文子此人蓋以王叔為氏也

子朱楚大夫伐江之帥也聞晉師起而江兵解故晉亦還

○晉人懼其無禮於公也請改盟

改二年處父之盟

公如晉及

晉侯盟晉侯饗公賦菁菁者莪

菁菁者莪詩小雅取其既見君子樂且有儀

莊

叔以公降拜

謝其以公比君子也

曰小國受命於大國敢不慎儀

君貺之以大禮何樂如之抑小國之樂大國之惠

也晉侯降辭

降階辭讓公

登成拜

俱還上成拜禮

公賦嘉樂

嘉樂詩大雅義取其顯顯

今德宜民宜人受祿于天

經四年春公至自晉

無傳

○夏逆婦姜于齊

婦有姑之辭

○

狄侵齊

無傳

○秋楚人滅江

滅例在文十五年

○晉侯伐秦○衛

侯使甯俞來聘○冬十有一月壬寅夫人風氏薨

傳公母風姓也赴同榭姑故稱夫人○程子曰自成風以後妾母稱夫人嫡妾亂矣仲子始僭尚未敢同嫡也

傳四年春晉人歸孔達于衛以爲衛之良也故免

之

二年衛執孔達以說晉

夏衛侯如晉拜

謝歸孔達

○曹伯如晉會正

會受貢賦之政也傳言襄公能繼文之業而諸侯服從

○逆婦姜于齊卿不行非禮也

禮諸侯有故則使卿逆

君子是以

知出姜之不允於魯也

允信也始來不見尊貴故終不為國人所敬信也文公薨而見出故曰出姜

曰貴聘而賤逆之

公子遂納徽幣是貴聘也

君而卑之立而廢之

君小也

不以夫人禮
迎是車廢之

弃信而壞其主在國必亂在家必亡

主內

不

允宜哉詩曰畏天之威于時保之敬主之謂也

詩頌
言其

天威于是保福祿。穀梁傳其曰婦姜為其禮成乎齊也。其逆者誰也。公也。注婦禮成于齊故在齊便稱婦。

○秋晉侯伐秦圍邠新城以報王官之役

邠新城秦邑也王官役在

前年。邠願晚反。當在今陝西西安府澄城縣境。縣東北二十里有古新城地名攷曰即梁國之新里也。

○楚人滅江秦伯為之降服出次不舉過數

降服素服也出

次辟正寢不舉矣。盛饌降國之禮有數。今秦伯過之。

大夫諫公曰同盟滅雖不能救敢

不矜乎吾自懼也

秦江同盟不告故不書

君子曰詩云惟彼二國

其政不獲惟此四國爰究爰度其秦穆之謂矣

詩大雅首

襄簡之君政不得人心故四方諸侯皆懼而謀廢其政事也言秦穆亦能感江之滅懼而思政愛於也究度皆謀也

○衛甯武子來聘公與之宴爲賦湛露及彤弓

非禮之儀

公特命詩人以示意故言

爲賦湛露彤弓詩小雅

不辭又不答賦使行人私焉對

曰臣以爲肄業及之也

肄習也魯人失於燕甯武子伴不知此其愚不可及

昔諸侯朝

正於王

朝而受政教也

王宴樂之於是乎賦湛露則天子當

陽諸侯用命也

湛露曰湛湛露斯匪陽不晞晞乾也言露見日而乾猶諸侯稟天子命而行

諸侯敵

王所愾而獻其功

敵猶當也愾恨怒也。愾苦愛反

王於是乎賜之彤

弓一彤矢百茲弓矢千以覺報宴

謂諸侯有四夷之賜以弓矢又爲

歌彤弓以明報功

今陪臣來繼舊好

論天子之德若辱貶之

其敢干大禮以自取戾

賜也干犯也戾罪也

○冬成風薨

為明年王使來含贈傳

經五年春王正月王使榮叔歸含且贈

珠玉曰含含口實車馬曰贈

聲含去○三月辛亥葬我小君成風

無傳反喪成喪故曰葬我小君成也

王使

召伯來會葬

召伯天子卿也召采地伯爵也來不及葬不識者不失五月之內

○夏公孫敖如

晉無傳○秦人入都

入例在十五年○海音若

○秋楚人滅六

六國今廬江六縣○在今

江南廬州府六安州北○冬十月甲申許男業卒

無傳與德公六國盟

傳五年春王使榮叔來含且贈召昭公來會葬禮

也

成風莊公之妾天子以夫人禮贈之明母以子貴故曰禮○程子曰天子成妻母為夫人亂倫之甚

○初都叛楚即秦又貳於楚夏秦人入都

○六人叛楚即東夷秋楚成大心仲歸帥師滅六

仲歸子家

冬楚公子變滅蓼

蓼今安豐縣○蓼音了○今河南汝寧府固始縣東北蓼城岡其地即古蓼國漢蓼縣

臧文仲聞六與蓼滅曰臯陶庭堅不祀忽諸德之

不建民之無援哀哉

蓼與六皆臯陶後也傷二國之君不能建德結援大國忽然而亡

○晉陽處父聘于衛反過甯甯嬴從之

甯晉邑汲郡修武縣也嬴逆旅

大夫○今河南衛輝府獲嘉縣西北有修武古城古甯邑秦置縣

及溫而還其妻問之嬴曰以

剛商書曰沈漸剛克高明柔克

沈漸猶滯滯也高明猶亢爽也言各當以剛柔勝己本性

乃能成全也此在洪範今謂之周書○漸似廉反

夫子壹之其不沒乎

陽子性純剛

天爲剛

德猶不干時

寒暑相順

況在人乎且華而不實怨之所聚

也

言過其行

犯而聚怨不可以定身

剛則犯人

余懼不獲其利而

離其難是以去之

為六年晉殺處父傳

○晉趙成子欒貞子霍伯白季皆卒

成子趙衰新上軍帥中軍佐也貞子欒枝

下軍帥也霍伯先且居中軍帥也白季胥臣下軍佐也為六年蒐于夷傳

經六年春葬許僖公

無傳○不書月史闕文

○夏季孫行父如陳

行父季友孫○季友子無佚未為卿卒不見于經

○秋季孫行父如晉○八月乙亥

晉侯驩卒

再同盟

○冬十月公子遂如晉葬晉襄公

卿共其事

文義之制也三月而葬速

○晉殺其大夫陽處父

處父侵官宜為國討故不言實季殺

晉狐射

姑出奔狄

射姑狐偃子賈季也奔狄例在宣十年。射音赤。

○閏月不告月猶朝于

廟

諸侯每月必告朔聽政因朝宗廟文公以閏非常月故闕不告朔怠慢政事雖朝于廟則如勿朝故曰備猶者可止之辭。○孔疏論語云子貢

欲去告朔之餼羊是用特羊告于廟謂之告朔人君即以此日聽視此朝之政謂之視朔亦謂之聽朔其日又以特羊祭于宗廟謂之朝廟周禮謂之朝享其歲首為之則謂之朝正蘇氏散曰春秋其有不同辭而其實者矣猶三望猶繹可以已也猶朝于廟幸其不已也告音恪

傳六年春晉蒐于夷舍二軍

僖三十一年晉蒐清原作五軍今舍二軍復三軍之制夷晉地

前年四卿卒故蒐以謀軍帥

使狐射姑將中軍

代先

趙盾佐之

代趙衰也盾趙衰子

○盾徒本反

陽處父至自溫

往年聘衛過溫今始至

改蒐于董易中軍

易

趙盾為帥射姑佐之河東汾陰縣有董亭。汾陰今絳州屬山西平陽府有董澤在聞喜縣東北四十里接絳州界

陽子成季

之屬也

處父嘗為趙衰屬大夫

故黨於趙氏且謂趙盾能曰使能

國之利也是以上之宣子於是乎始為國政宣趙盾也

事典

典常也

正法罪

輕重當

辟獄刑

辟猶理也。辟婢亦反。

董逋逃

董督也

由質

要

由用也質要券契也

治舊滂

治理滂穢。滂音烏本又作汙同。

本秩禮

貴賤不失其本

續常

職

修廢官

出滯淹

拔賢能也。孔疏制事典者正國之百事使有常也。正法罪者準所犯輕重豫為之法使在後倭用之也。辟獄刑者

有事在官未決斷者令於今理治之也。董逋逃者舊有逋逃負罪捕越者督察追捕之也。由質要者謂斷爭財之獄用券契正定之也。治舊滂者國之舊政

滂穢不潔理治改正之也。本秩禮者時有僭踰貴賤相溷本其次秩使如舊也。續常職者職有廢闕任賢使能令續故常也。出滯淹者賢能之人沈滯田

里拔出而官爵之也

既成以授大傅陽子與大師賈佗使行諸

晉國以為常法

賈佗以公族從文公而不

在五人之數。佗徒何反。

○臧文仲以陳衛之睦也欲求好於陳夏季文子

聘于陳且娶焉

臣非君命不越竟故因聘而自為娶

○秦伯任好卒

任好秦穆公名○任音壬

以子車氏之三子奄息仲

行鍼虎為殉

子車秦大夫氏也以人從葬為殉○行音杭鍼其廉反

皆秦之良也國人

哀之為之賦黃鳥

黃鳥詩秦風義取黃鳥止于棘桑往來得其所傷三良不然

君子曰秦

穆之不為盟主也宜哉死而弃民先王違世猶詒

之法而况奪之善人乎詩曰人之云亡邦國殄瘁

詩大雅言善人亡則國瘳病

無善人之謂若之何奪之古之王者知

命之不長是以竝建聖哲

建立聖知以司牧民

樹之風聲

因土地風俗為

立聲教之法○樹立其風化聲教

分之采物

旒旗衣服各有分制○分扶問反

著之語言

語言也為作善言遠戒

爲之律度

鍾律度量所
以治歷明時

陳之藝極

藝準也極中也貢獻多少
之法傳曰貢之無藝又曰

貢獻
無極

引之表儀

引道也表
儀猶威儀

予之法制告之訓典

訓典先
王之書教

之防利

防惡
興利

委之常秩

委任也常秩
官司之常職

道之以禮則使毋

失其土宜衆隸賴之而後即命

即就也。然後可以
就命雖死而無憾也

聖王

同之。今縱無法以遺後嗣。而又收其良以死。難以

在上矣。君子是以知秦之不復東征也。

不能復征討東
方諸侯為霸主

○秋季文子將聘於晉。使求遭喪之禮以行。

季文子
季孫行

父也聞晉
侯疾故

其人曰。將焉用之。

其人
從者

文子曰。備豫不虞。古

之善教也。求而無之。實難。

難布
得

過求何害。

所謂文
子三思

○八月乙亥晉襄公卒靈公少晉人以難故欲立

長君

立少君恐有難。謂連年秦狄之師楚伐與國。

趙孟曰立公子雍

趙孟趙盾也公子雍子雍文公子襄

公庶弟杜祁之子

好善而長先君愛之且近於秦秦舊好也

置善則固事長則順立愛則孝結舊則安為難故

故欲立長君有此四德者難必抒矣

抒除也。抒直呂反孔疏字有聲相近

而為訓者鬼之為言歸也春之為言蠶也其類多矣抒聲近除故為除也服虔作舒舒緩也

賈季曰不如立公

子樂

樂文公子

辰嬴嬖於二君

辰嬴懷嬴也二君懷公文公也

立其子民

必安之趙孟曰辰嬴賤班在九人

班位也

其子何震之

有

震威也

且為二嬖淫也為先君子不能求大而出

在小國辟也。母淫子辟，無威陳小而遠，無援將何

安焉。杜邠以君故讓偃姑而上之。

杜邠杜伯之後，邠姓也。偃姑，姑姓之女，生襄公。

為世子，故杜邠讓使在已上。辟，匹亦反。又作僻。孔疏譜以偃為國名，地闕不知所在。

以狄故讓季隗而已。

次之，故班在四。

以季隗是文公託狄時妻，故復讓之。然則杜邠本班在二。隗，五罪反。

先君是以

愛其子而仕諸秦，為亞卿焉。

亞，次也。言其賢，故位尊。

秦大而近，足

以為援。母義子愛，足以威民，立之不亦可乎。使先

蔑士會如秦，逆公子雍。

先蔑，士伯也。士會，隨季也。

賈季亦使召公子

樂于陳，趙孟使殺諸郕。

郕，晉地。郕，婢支反。博物記垣縣有郕，郕之阨。今河南懷慶府濟源縣西二百

里，有郕亭。唐置郕元縣于此。與山西平陽府垣曲縣接界。

○賈季怨陽子之易其班也

本中軍帥易以為佐

而知其無援

於晉也

少族多怨

九月賈季使續鞫居殺陽處父

鞫居狐氏之族

書

曰晉殺其大夫侵官也

君已命帥處父易之故曰侵官○公羊傳稱國以殺何君漏言也君將使射姑

將陽處父諫曰射姑民衆不說不可使將于是廢將陽處父出射姑入君謂射姑曰陽處父言曰射姑民衆不說不可使將射姑怒出刺陽處父於朝而走劉氏敞曰按左氏此事始末罪處父獨有稱趙宣子為能耳改蒐易將凡出晉侯何以謂處父侵官耶人君任賢不稱必將致敗苟食祿者舉當諫君况處父晉國太傅以此為侵官是教大昆為拱默也

○冬十月襄仲如晉葬襄公

○十一月丙寅晉殺續簡伯

簡伯續鞫居十一月無丙寅丙寅十二月八日也日月必有誤

賈季奔狄宣子使史駢送其柩

柩妻于也宣子以賈季中

夷

之蒐賈季戮史駢史駢之人欲盡殺賈氏以報焉

史駢曰不可吾聞前志有之曰敵惠敵怨不在後

嗣忠之道也敵猶對也若及子孫則為非對非對則為遷怒夫子禮於賈季我以

其寵報私怨無乃不可乎言已蒙宣子寵位○宣子使我送帑是寵任我也豈可因其寵任以報私

怨介人之寵非勇也介因損怨益仇非知也殺季家欲以除怨宣子將

復怨已是益仇也以私害公非忠也釋此三者何以事夫子

盡具其帑與其器用財賄親帥扞之送致諸竟扞也

○閏月不告朔非禮也經稱告月傳稱告朔明告月必以朔閏以正時四時漸差則致

閏以正之時以作事順時命事事以厚生事不失時則年豐生民之道於是

乎在矣不告閏朔弃時政也何以爲民

○爲如字治也

經七年春公伐邾○三月甲戌取須句

須句魯之封內屬國也僖公反

其君之後邾復滅之書取易也例在襄十三年○句其俱反

遂城郛

無傳因伐邾師以城郛郛魯邑十縣南有郛城備制難○郛音

吾○在今山東兗州府泗水縣東南

○夏四月宋公王臣卒

二年與魯大夫盟于垂麓

○宋人

殺其大夫

宋人攻昭公并殺二大夫故以非罪書

○戎子卒晉人及秦人戰于

令狐

趙盾廢嫡而外求君故貶稱人言諱背先蔑而夜薄秦師以戰告○公羊傳此偏戰也何以不言師敗績敵也令力呈反

晉先

蔑奔秦

不言出在外奔

○狄侵我西部○秋八月公會諸侯

晉大夫盟于扈

扈鄭地滎陽卷縣西北有扈亭不分別書會人總書諸侯晉大夫盟者公後會而及其盟○扈亭在扈

南開封府原武縣西北趙氏庄曰諸侯不與公不得與之盟也而曰公會諸侯盟者言公同於戰書也

○冬徐伐莒

莒在魯南

徐夷告
辭畧

○公孫敖如莒涖盟

傳七年春公伐邾聞晉難也

公因霸國有
難而侵小

三月甲戌取

須句寘文公子馬非禮也

邾文公子叛在魯故公使為守須句
大夫也絕犬皞之祀以與邾國叛臣

故曰
非禮

○夏四月宋成公卒於是公子成為右師

莊公
子公孫

友為左師

目夷
子

樂豫為司馬

戴公
孫

鱗矐為司徒

桓公孫
矐音貫

公子蕩為司城

桓公子也以武公
名廢司空為司城

華御事為司寇

華元父也
傳言六卿

皆公族昭公不親
信之所以致亂

昭公將去羣公子樂豫曰不可公族公

室之枝葉也若去之則本根無所庇廕矣葛藟猶

能庇其本根

篤之能其蔓繁滋者以木枝廢麻之多

故君子以爲比

謂詩人取以喻九族兄弟

况國君乎此諺所謂庇焉而縱尋斧焉者也

縱放也○八尺

曰尋尋以量之斧以伐之

必不可君其圖之親之以德皆股肱也誰

敢攜貳若之何去之不聽穆襄之族率國人以攻

公

穆公襄公之子孫昭公所欲去者

殺公孫固公孫鄭于公宮

二子在公宮故爲亂兵所殺

六卿和公室樂豫舍司馬以讓公子卬

卬昭公弟昭公即

位而葬書曰宋人殺其大夫不稱名衆也且言非

其罪也

不稱殺者及死者名殺者衆故名不可知死者無罪則例不稱名○按大夫不名蓋史略之

○秦康公送公子雍于晉曰文公之入也無衛故

有呂卻之難

僖二十四年文公入

乃多與之徒衛。穆嬴日抱犬子

以啼于朝。曰：先君何罪？其嗣亦何罪？舍適嗣不立。

而外求君，將焉寘此？

穆嬴，襄公夫人。靈公母也。適，丁歷反。

出朝，則抱以適。

趙氏頓首於宣子曰：先君奉此子也，而屬諸子。曰：

此子也，才。吾受子之賜，不才。吾唯子之怨。

欲使宣子教訓之。屬音

燭今君雖終，言猶在耳。

在宣子之耳

而弃之，若何？宣子與

諸大夫皆患穆嬴，且畏偪。

畏國人以大義來偪已。

乃背先蔑而立

靈公，以禦秦師。箕鄭居守，趙盾將中軍，先克佐之。

克先且居子。代狐射姑。

荀林父佐上軍。

箕鄭將上軍，居守，故佐獨行。

先蔑將下軍，先

都佐之步招御戎戎津爲右及董陰

先茂士會逆公子雍前還晉晉人始以逆

雍出軍卒然變計立靈公故車右戎御猶在職董陰晉地○招上還反董音謹

○孔疏請言御戎爲右皆是君之御古知此步招戎津始以逆雍出軍此擬爲

雍之御右也改立靈公故御右猶在職也十二年河曲之戰傳稱泛無油御戎

注云代步招晉君不行有御戎者戎二年楚令尹子重爲陽橋之役王卒盡

行彭名御戎注云王卒盡行故王戎車亦行然則河曲

之戰亦公卒盡行公之戎車亦行故御戎在職也宣子曰我若受

秦秦則賓也不受寇也既不受矣而復緩師秦將

生心先人有奪人之心奪敵之戰心也○先去聲軍之善謀也逐寇

如追逃軍之善政也訓卒利兵秣馬蓐食潛師夜

起蓐食早食於寢蓐也○蓐音辱戊子敗秦師于令狐至于剗首己丑

先茂奔秦士會從之剗首也今山西平陸縣地水經注剗首

在四三十里當在今

榮河臨晉間劄音枯

先蔑之使也。荀林父止之曰：夫人犬

子猶在，而外求君，此必不行。子以疾辭，若何不然。

將及

及已

攝卿以往，可也。何必子同官爲察，吾嘗同

察，敢不盡心乎。弗聽。爲賦板之三章。

板詩大雅其三章義取芻蕘之言猶不可

忽况同察乎僖二十八年林父將中行先蔑將左行

又弗聽。及亡，荀伯盡送其帑及其

器用財賄於秦，曰：爲同察故也。

荀伯林父

士會在秦三年，

不見士伯。

士伯先蔑

其人曰：能亡人於國。

言能與人俱亡于晉國

不能見

於此焉用之。

何用如此

士季曰：吾與之同罪。

俱有迎公子雍之罪

非義

之也。將何見焉。

言已非慕先蔑之義而從之

及歸，遂不見。

責先蔑爲正卿而不匡諫且俱

出奔惡有黨也去

會歸在十三年

○狄侵我西鄙公使告于晉趙宣子使因賈季問

鄆舒且讓之

鄆舒狄相讓其伐魯○時賈季奔在秋問問勞也

鄆舒問於賈季曰趙

衰趙盾孰賢對曰趙衰冬日之日也趙盾夏日之

日也

冬日可愛夏日可畏

○秋八月齊侯宋公衛侯陳侯鄭伯許男曹伯會晉趙盾盟于扈晉侯立故也公後至故不書所會

凡會諸侯不書所會後也

不書所會謂不具列公侯及卿大夫

後至不書

其國辟不敏也

此傳還自釋凡例之意○鄭氏或曰公說不及于會則不知班位之失序故不書諸國以辟不敏

○穆伯娶于莒。曰戴已。生文伯。其娣聲已。生惠叔。

穆伯公叔敖也。文伯穀也。惠叔難也。○已音紀。難乃多反。

戴已卒。又聘于莒。莒人以聲

已辭。則爲襄仲聘焉。

襄仲公孫敖從父昆弟。

冬。徐伐莒。莒人來請

盟。

見伐故欲結援。

穆伯如莒涖盟。且爲仲逆。及鄆陵。登城見

之美。

鄆陵莒邑。

自爲娶之。仲請攻之。公將許之。叔仲惠伯

諫。

惠伯叔牙孫。

曰。臣聞之。兵作於內。爲亂於外。爲寇。寇猶

及人。亂自及也。今臣作亂。而君不禁。以啟寇讎。若

之何。公止之。惠伯成之。

平二子。

使仲舍之。

舍不娶。

公孫敖反。

之。

還莒女。

復爲兄弟如初。從之。

爲明年公孫敖奔莒傳。

○晉卻缺言於趙宣子曰日衛不睦故取其地

日佳日取

衛地在元年

今已睦矣可以歸之叛而不討何以示威服

而不柔何以示懷

柔安也

非威非懷何以示德無德何

以主盟子爲正卿以主諸侯而不務德將若之何

夏書曰

逸書○今大禹謨

戒之用休

有休則戒之以勿休

董之用威

董督也

督之以威刑

勸之以九歌勿使壞九功之德皆可歌也謂

之九歌六府三事謂之九功水火金木土穀謂之

六府正德利用厚生謂之三事義而行之謂之德

禮德正德也禮以制財用之節又以厚生民之命

無禮不樂所由叛也若吾子之

德莫可歌也其誰來之

來猶歸也樂共洛

盍使睦者歌吾子

乎宣子說之

為明年晉歸鄭衛田張本。孔疏鄭往前侵衛田今晉令鄭歸還衛田也言歸鄭衛田者謂晉歸以鄭所取衛

田故杜下注云庄本衛邑中屬鄭今鄭還衛是也然晉亦還衛田獨言鄭還衛田者以鄭歸衛田為主遂畧之

經八年春王正月○夏四月○秋八月戊申天王

崩

○襄王崩子項王壬臣立

○冬十月壬午公子遂會晉趙盾盟于

衡雍

壬午月五日。任氏公輔曰晉魯之用事者會盟政在大夫矣雍去聲

○乙酉公子遂會雒

戎盟于暴

乙酉月八日也暴鄭地公子遂不受命而盟宜去族善其解國患故稱公子以貴之

○公孫敖如

京師不至而復丙戌奔莒

不言出受命而出自外行

○冬

無傳為災故書

○宋

人殺其大夫司馬宋司城來奔

司馬死不舍節司城奉身而退故皆書官而不名貴之

按大夫司馬大夫中之
司馬也不名蓋史略之

傳八年春晉侯使解揚歸亡戚之田于衛

亡本衛邑申屬鄭孔達夜

不能克今乃令鄭還衛及取戚田皆見元年。解音蟹中去聲。

且復致公壻池之封自申至

于虎牢之竟

公壻池晉君女壻又取衛地以封之今并還衛也申鄭地傳言趙盾所以能相幼主而盟諸侯。申當在今開封

府鄭州汜水縣界

○夏秦人伐晉取武城以報令狐之役

令狐役在七年

○秋襄王崩

為公孫敖如周弔傳

○晉人以扈之盟來討

前年盟扈公後至

冬襄仲會晉趙孟

盟于猗雍報扈之盟也遂會伊雜之戎

伊雜之戎將伐魯公子遂不及

復若故專

命與之盟 書曰公子遂珍之也

珍貴也大夫出竟有可以安利 稷利國家者專之可○劉氏獻

曰若兩稱公子為褒者僖三十年公子遂 如京師遂如晉則聚與彼不謂聚何耶

穆伯如周弔喪不至以幣奔莒從已氏焉

已氏 莒女

○宋襄夫人襄王之姊也昭公不禮焉

昭公適 祖母

夫人

因戴氏之族

華樂皇 皆戴族

以殺襄公之孫孔叔公孫鍾離

及大司馬公子卬皆昭公之黨也司馬握節以死

故書以官

節國之符信也握 之以死誓不廢命

司城蕩意諸來奔效節於

府人而出

效猶致也意諸公子蕩之孫○孔 疏示已解任而退不敢帶官而逃

公以其官逆之皆

復之亦書以官比皆貴之也

卿違從大夫公賢其效節故以本官 逆之請宋而復之司城官屬悉來奔

故言皆復。○胡傳初宋昭公將去羣公子舉豫以為不可違舍司馬以讓公
子印則印同昭公之黨欲專宋政而昭公同欲以其弟印自衛也夫司馬掌
兵之官不選衆舉賢以素有威望為國人所畏服者使居其任乃欲寵其私
昵鮮有不亡者矣公子印蕩意諸皆以官舉者見主兵者不能其官至于見
殺守土者不能其官至于出奔而其君不免失身見弑之禍宜矣

○夷之蒐晉侯將登箕鄭父先都登之於上軍也夷蒐在六年而使

士穀梁益耳將中軍士穀木司空先克曰狐趙之勲不可

廢也從之狐偃趙衰有從亡之勲先克奪崩得田于董陰七年晉禦秦師于董陰以

軍事奪其田也故箕鄭父先都士穀梁益耳崩得作亂

為明年殺先克張本

○九年春毛伯來求金求金以此葬也○夫人姜

氏如齊

無傳

○二月叔孫得臣如京師辛丑葬襄王

卿共葬事禮也。劉氏敞曰使卿共葬周末之凌替也非典之正也

○晉人殺其大夫先都

下章佐也

以作亂討故書名

○三月夫人姜氏至自齊

無傳告于廟

○晉人殺

其大夫士穀及其鄭父

與先都同罪也

○楚人伐鄭

楚子師於狼淵不觀

伐。按楚子親將稱人。與三年書秦人伐晉同

公子遂會晉人宋人衛人許人救

鄭○夏狄侵齊

無傳

○秋八月曹伯襄卒

無傳七年同盟于扈

○

九月癸酉地震

無傳地道安靜以動為異故書

○冬楚子使椒來聘

稱者以使

大夫其禮辭與中國同椒不書氏史略文

○秦人來歸僖公成風之謎

衣服曰謎秦辟陋故不稱

使不稱夫人從來者辭。蘇氏轍曰不稱夫人非楚非葬名有所不必盡也

○葬曹共公

無傳

傳九年春王正月己酉使賊殺先克

箕鄭等所使也亂殺先克不赴故不書

乙丑晉人殺先都梁益耳

乙丑正月十九日經書二月從告

○毛伯衛來求金非禮也

天子不私求財故曰非禮

不書王命未葬

也○二月莊叔如周葬襄王

○三月甲戌晉人殺箕鄭父士穀崩得

梁益耳崩得不書皆非卿

○范山言於楚子曰晉君少不在諸侯北方可圖

也

范山楚大夫

楚子師于狼淵以伐鄭

陳師狼淵為伐鄭援也穎川穎陰縣西有狼陂○寰宇記

謂之狼溝穎陰即今河南開封府許州

囚公子堅公子尤及樂耳

三子鄭大夫○崔莫江反鄭

及楚平公子遂會晉趙盾宋蕪耦衛孔達許大夫

救鄭不及楚師。卿不書。緩也。以懲不恪。

華耦華父督也。孫公子遂獨不

在。取者諸魯事自非指為其國。襄貶則皆從。國史不同之於他國。此春秋大意。他皆放此。

○夏楚侵陳。克壺邱。

壺邱陳邑。當在今開封府陳州南境。

以其服於晉也。

秋楚公子朱自東夷伐陳。

子朱息公也。

陳人敗之。獲公子

茂。陳懼。乃及楚平。

以小勝大故懼而請平也。傳言晉君少。楚陵中國明年所以有駱駝之會。○茂扶廢反。駱音麥。

○冬楚子越椒來聘。執幣傲。

子越椒令尹子文從子。傲不敬。

叔仲惠伯

曰。是必滅若敖氏之宗。傲其先君。神弗福也。

十二年傳曰先

君之敝器。使下臣致諸執事。明奉使皆告廟。故言傲其先君也。為宣四年楚滅若敖氏。張本。

○秦人來歸僖公成風之禭禮也。

秦慕諸夏。欲通敬於魯。因有羣泉之盟。故追贈。

傳公并及成風本非魯方欲同盟無相
赴弔之制故不譏其緩而以接好為禮
諸侯相弔賀也雖不當

事苟有禮焉書也以無忘舊好
送死不及尸故曰不當事書者書於典策垂示子孫使無

忘過厚之好

經十年春王三月辛卯臧孫辰卒
無傳公與小斂故書日 ○夏秦

伐晉
不稱將帥告辭略 ○楚殺其大夫宜申
宜申子西也謀弑君故書名 ○自

正月不雨至于秋七月
無傳義與二年同 ○及蘇子盟于女

栗
女栗地名闕蘇子周卿士頃王新女音汝 ○冬狄侵宋
無傳 ○楚子蔡

侯次于厥貉
厥貉地名闕將伐宋而未行故書次○厥貉當在河南開封府陳州項城縣界洛水之北

傳十年春晉人伐秦取少梁
少梁在河東陽縣○今陝西西安府郃陽縣南二十里有少梁城

夏秦伯伐晉取北徵

報少梁。徵音懲。今西安府澄城縣西南二十一里有北徵古城。

○初楚范巫喬似

喬似范邑之巫。喬尹必反。

謂成王與子玉子西

曰三君皆將強死城濮之役王思之故使止子玉

曰母死不及止子西子西縊而縣絕

在僖二十八年。強其丈反。縣音懸。

王使適至遂止之使爲商公

商楚邑今上雒商縣。隋改商州今屬西安府。泚漢

沂江將入郢

泚順流沂逆流。泚悅專反沂息路反。

王在渚宮

小渚。下見之懼。

而辭曰臣免於死又有讒言謂臣將逃臣歸死於

司敗也

陳楚名司寇爲司敗子。西畏讒言不敢之商縣。

王使爲工尹

掌百工之官。

又與子

家謀弑穆王穆王聞之五月殺鬬宜申及仲歸

歸仲歸。

子家不
書非卿

○秋七月及蘇子盟于女栗頃王立故也

僖十年狄滅溫蘇子

奔衛今復見

蓋王復之

○陳侯鄭伯會楚子于息冬遂及蔡侯次于厥貉

陳鄭及宋廢子不書者宋鄭執卑苟免為楚僕任受役於司馬廢子取之遂逃而歸三君失位降爵故不列於諸侯宋鄭猶然則陳侯必同也○廢九倫

反將以伐宋宋華御事曰楚欲弱我也先為之弱

乎何必使誘我我實不能民何罪乃逆楚子勞且

聽命

時楚欲誘呼宋共戰御事華元父○勞去聲

遂道以田孟諸

孟諸才大數也在梁國睢陽縣東北○今

河南歸德府商邱縣東北有孟諸澤虞城縣北有孟諸澤

宋公為右孟鄭伯為左孟

孟田獵陳名

期思公復遂爲右司馬

復遂楚期思邑公今弋陽期思縣○期思古蔣國楚滅之漢置縣隋廢之在今

河南汝寧府固始縣西北七十里

子朱及文之無畏爲左司馬

將獵張兩甄故置二左司馬然

則右司馬一人當中央○甄吉然反

命夙駕載燧

燧飛火者

宋公違命

不夙駕載燧

無畏扶

其僕以徇或謂子舟曰國君不可戮也子舟曰當

官而行何彊之有

子舟無畏字○拱恥乙反

詩曰剛亦不吐柔亦不

如詩大雅美仲山如甫不辟彊禦

毋縱詭隨以謹罔極

詩大雅詭人隨人無正心者謹猶慎也罔無也

也

是亦非辟彊也敢愛死以亂官乎

爲宣十四年宋人殺子舟張本○

厥貉之會麋子逃歸

爲明年楚子伐麋傳

春秋左傳杜注卷第九

華亭姚培謙學

文公

經十有一年春楚子伐麋

討前年逃厥路會麋九倫反

夏叔仲彭

生會晉卻缺于承筐

承筐宋地在陳留襄邑縣西彭生叔仲惠伯卻缺冀缺。卻去逆反今河南歸德府睢州

西三十里有故承筐城

秋曹伯來朝○公子遂如宋○狄侵齊

○冬十月甲午叔孫得臣敗狄于鹹

鹹魯地

傳十一年春楚子伐麋成大心敗麋師於防渚

防渚

王之子大孫伯也防渚麋地。闕駟曰防即防陵也今為房縣屬湖廣鄖陽府

潘崇復伐麋至于錫穴

錫穴廩地。○錫音羊。○或作錫漢錫應漢書注曰。即春秋錫穴也。今為鄖陽府治。

○夏叔仲惠伯會晉卻缺于承筐。謀諸侯之從於

楚者。

九年陳鄭及楚平。十年宋聽楚命。

○秋曹文公來朝。即位而來見也。

○襄仲聘于宋。且言司城蕩意諸而復之。

八年意諸來奔。歸不書。史

失之。因賀楚師之不害也。

往年楚大勝。將以伐宋。

○鄭瞞侵齊。

鄭瞞狄國名。防風之後漆姓。鄭音搜。

遂伐我。公卜使叔孫得

臣追之吉。侯叔夏御莊叔。

莊叔得臣。

繇房甥為右。富父終

甥。馮乘。

馮乘四人共車。乘去聲。下皆同。

冬十月甲午。敗狄于鹹。獲長狄

僑如

僑如鄭國之君蓋長三丈獲僑如不書賤夷狄也○僑其驕反

富父終甥搯其喉以戈

殺之

搯猶搯也○搯音春

埋其首於子駒之門

子駒魯郭門骨節非常恐後世怪之故詳其處

以命宣伯

得臣待事而名其三子因名宣伯曰僑如以旌其功

初宋武公之世鄭瞞伐

宋

在春秋前

司徒皇父帥師禦之彫班御皇父充石

皇父戴公子充

石皇父名○彫音而

公子穀甥爲右司寇牛父駟乘以敗狄于

長邱

長邱宋地○今河南開封府封邱縣東有長邱亭

獲長狄緣斯

緣斯僑如之先

皇父之二

子死焉

皇父與穀甥及牛父皆死故彫班獨受賞

宋公於是以門賞彫班使食

其征

門關門征稅也

謂之彫門晉之滅潞也

在宣十五年

獲僑如之

弟焚如齊襄公之二年

魯桓之十六年○顧氏炎武曰史記魯世家及齊世家十二諸侯年表皆作齊惠

公二年即魯宣之二年也在晉滅潞之前僅
十三年爾此傳以為襄公當是傳寫之訛

鄭瞞伐齊齊王子成

父獲其弟榮如

榮如焚如之弟焚如後死而先說者欲其兄弟伯季
相次榮如以魯桓十六年死至宣十五年一百三歲

其兄猶在傳言既長且壽有
異於人王子成父齊大夫

埋其首於周首之北門

周首齊邑
濟北穀城

縣東北有周首亭○水經注謂之盧子亭在今
山東兗州府東阿縣東北近濟南府長清縣界

衛人獲其季弟簡

如伐齊退走
如至衛見獲

鄭瞞由是遂亡

長狄之
種絕

○邾犬子朱儒自安於夫鍾

安處也夫鍾邾
邑○夫音扶

國人弗徇

徇順也為明年
邾伯來奔傳

經十有二年春王正月邾伯來奔

稱魯公以
諸侯禮迎之

○杞伯

來朝

復稱伯舍夷禮○穀梁傳范氏注傳
二十七年稱子今稱伯蓋時上所進

○二月庚子子叔姬

卒

既嫁成人雖見出
奔猶以恩錄其卒

○夏楚人圍巢

巢吳楚間小國廬江六縣東有
居巢城。今江南廬州府巢城

西巢湖有古
居巢城陷處

○秋滕子來朝○秦伯使術來聘

術不稱氏
史畧文

○冬十有二月戊午晉人秦人戰于河曲

不書敗績
交綏而退

不大崩也稱人秦晉無功以微者告也皆陳曰戰倒在莊十一年河曲在

河東蒲坂縣南○今山西平陽府蒲州城外東南隅有蒲坂故城孫氏復

曰二國之讎既易世矣二國之戰固可以已也而秦康晉靈

猶尋舊怨殘民以逞故孔子自令狐之戰不復名其將帥

○季孫

行父帥師城諸及鄆

鄆莒魯所爭者城陽姑幕縣南有負亭員
即鄆也以其遠偏外國故帥師城之○鄆

音運員音云○今山東青州府沂水縣北鄆城是也

此爲東鄆成四年城鄆爲西鄆乃在兗州府東平州

傅十二年春邾伯卒邾人立君

天子自安
於外邑故

犬子以夫

鍾與邾邾來奔

邾邾亦邑
邾音圭

公以諸侯逆之非禮也

非公
禮也

故書曰邾伯來奔不書地尊諸侯也

既尊以為諸侯故不復見其竊

邑之罪。劉氏敞曰非也。即實邾伯來奔。又何以辨哉。且魯但以諸侯逆之。便謂之邾伯。春秋又遂沒其專土叛君之罪。反謂之諸侯。而尊之。則何以辨。不登叛人哉。意者先邾伯以去年卒。太子即位而不能自安。遂出奔。此乃真邾伯矣。以其即位日淺。或謂之太子。而左氏則誤以為太子出奔也。

○杞桓公來朝始朝公也

公即位始來朝

且請絕叔姬而無

絕昏公許之

不絕昏立其娣以為夫人。不書大歸未歸而卒。孔疏傳言請無絕昏。成五年有杞叔姬來歸。故知其娣為夫人也。

其娣亦字叔者。周之法稱叔也。釋例曰杞桓公以僖二十三年即位。襄六年卒。凡在位七十一年。文成之世。經書叔姬二人。一人出一人卒。皆杞桓公夫人也。

二月叔姬卒不言杞絕也

既許其絕故不言杞

書叔姬言非女

也

女未葬而卒不書

○楚令尹大孫伯卒成嘉為令尹

若故曾孫子孔

羣舒叛楚

羣舒，偃姓舒庸舒鳩之屬。今廬江南有舒城舒城西南有龍舒。今廬州府舒城廬江二縣之境皆羣舒地也。孔疏：世本偃姓舒庸舒蓼舒鳩舒鮑舒鮑舒龔，以其非一故言屬以包之。

夏子孔執舒子平及宗子遂圍巢二

君名宗巢二國羣舒之屬

○秋，滕昭公來朝，亦始朝公也。

○秦伯使西乞術來聘，且言將伐晉。襄仲辭玉曰：

君不忘先君之好，照臨魯國，鎮撫其社稷，重之以

大器，寡君敢辭玉。大器圭璋也，不欲與秦為好，故辭玉。對曰：不腆敝器，不

足辭也。腆，厚也。主人三辭，賓答曰：寡君願徼福于周公

魯公以事君。徼，要也。魯公伯禽也。言願事君以并蒙先君之福。徼，古堯反。要，平聲。下同。不腆先君

之敝器使下臣致諸執事以爲瑞節

節信也出聘必持廟故稱先君之器

要結好命所以藉寡君之命結二國之好

結好也

是以

敢致之襄仲曰不有君子其能國乎國無陋矣厚

賄之

賄贈送也

○秦爲令狐之役故冬秦伯伐晉取羈馬

令狐役在七年羈馬

晉邑○今平陽府蒲州南三十六里有羈馬城一名涉邱

晉人禦之趙盾將中軍荀林父

佐之

林父代先克

郤缺將上軍

代箕鄭

史駢佐之

代林父

欒盾將下

軍

欒枝子代先蔑

胥甲佐之

胥臣子代先都

范無恤御戎

代步招

以從秦師

于河曲史駢曰秦不能久請深壘固軍以待之從

之秦人欲戰秦伯謂士會曰若何而戰晉士會七年奔秦對

曰趙氏新出其屬曰史駢必實爲此謀將以老我

師也史駢趙盾屬大夫新出佐上軍趙有側室曰穿晉君之壻也側室支子穿趙

夙庶有寵而弱不在軍事弱年少也又未嘗涉知軍事好勇而狂且惡

史駢之佐上軍也若使輕者肆焉其可肆輕往而退也○輕去聲秦

伯以璧祈戰于河禱求勝十二月戊午秦軍掩晉上軍

趙穿追之不及上軍不動趙穿獨追之反怒曰裒糧坐甲固敵是

求敵至不擊將何俟焉軍吏曰將有待也待可擊穿曰

我不知謀將獨出乃以其屬出宣子曰秦獲穿也

獲一卿矣

傳三十三年晉侯以一命命卻缺為卿不在軍帥之數然則晉自有散位從卿者

秦以勝歸

我何以報乃皆出戰交綏

司馬遷曰逐奔不遠從綏不及逐奔不遠則難誘從綏不及則難陷然則

古名退軍為綏秦晉志未能堅戰短兵未至爭而兩退故曰交綏

秦行人夜戒晉師曰兩軍

之士皆未愁也明日請相見也

愁缺也○愁魚蕪反

與駢曰使

者目動而言肆懼我也

目動心不安言肆聲放失常節

將遁矣薄諸河

必敗之

薄迫也

胥甲趙穿當軍門呼曰死傷未收而弃

之不惠也不待期而薄人於險無勇也乃止

晉師止為宣元

年放胥甲傳

秦師夜遁復侵晉入瑕

○城諸及鄆書時也

經十有三年春王正月○夏五月壬午陳侯朔卒

無傳再

○邾子遂蒞卒

未同盟而赴以名○遂其居反○蒞文居反○遂蒞瑣之子

○自正月

不雨至于秋七月

無傳義與二年同

○大室屋壞

大廟之室○大音泰

○

冬公如晉衛侯會公于沓

沓地關○沓徒答反

○狄侵衛

無傳○

十有二月己丑公及晉侯盟

十二月無己丑已丑十一月十一日

公還自晉

鄭伯會公于棐

棐鄭地○棐芳尾反○即棐林路史別封宛陵有棐林之鄉宛陵故城今屬河南開封府新鄭縣界東

二十五里林鄉城是其地也

傳十三年春晉侯使詹嘉處瑕以守桃林之塞

詹嘉晉大夫

夫賜其瑕邑令帥眾守桃林以備秦桃林在弘農華陰縣東潼關○塞悉代反○地理通釋云自潼關至函谷歷陝華二州之地俱謂之桃林塞今陝

西西安府華陰縣以東河南
河南府靈寶縣以西皆是也

○晉人患秦之用士會也夏六卿相見於諸浮

趙宣子曰隨會在秦賈季在狄難日至矣若之何

六年賈季奔狄中行桓子曰請復賈季

中行桓子荀林父也傳二十八年始將中行故以為氏能

外事○孔疏賈季是狐突之孫狐偃之子本是狄人能知外竟之事謂知狄之情得豫為之備且由舊勲

有狐偃之舊勲

郤成子曰賈季亂且罪大殺陽處父故不如隨會能賤而

有恥柔而不犯不可犯以不義其知足使也且無罪音智乃使

魏壽餘偽以魏叛者以誘士會執其帑於晉使夜

逸魏壽餘單萬之後帑壽餘子○帑音奴請自歸于秦秦伯許之許受其邑履士會

之足於朝

躡士會足欲使行

秦伯師于河西

將取魏

魏人在東

今河北縣

於秦為在河之東

壽餘曰請東人之能與夫二三有司言者

吾與之先

欲與晉人在秦者共先告喻魏有司

使士會士會辭曰晉人虎狼

也若背其言臣死妻子為戮無益於君不可悔也

辭行示已無去心

秦伯曰若背其言所不歸爾帑者有如河

言必歸其妻

乃行繞朝贈之以策

策馬櫪臨別授之馬櫪並示已所策以展情繞朝秦大夫。櫪

張爪反馬杖也

曰子無謂秦無人吾謀適不用也

示已覺其情

既濟

魏人譟而還

喜得士會譟素報反

秦人歸其帑其處者為劉氏

士會竟後劉累之胤別族復累之姓。累劣彼反

平于晉。公還。鄭伯會公于棐。亦請平于晉。公皆成。

鄭衛貳於楚畏晉。故因公請平。

鄭伯與公宴于棐。子家賦鴻雁。

子家鄭大夫公

子歸生也。鴻雁詩小雅。義取侯伯哀恤寡有。征行之勞言鄭國寡弱欲使魯侯還晉恤之。

季文子曰：寡君未

免於此。

言亦同有微弱之憂。

文子賦四月。

四月詩小雅。義取行役踰時思歸祭祀不欲為選晉。為去聲。

子家賦載馳之四章。

載馳詩邶風四章以下義取小國有急欲引大國以救助。

文子賦

采薇之四章。

采薇詩小雅。取其豈敢定居。一月三捷許為鄭還不敢安居。

鄭伯拜。謝公為行公

答拜。

經十有四年。

是年頃王崩。子匡王。班立春秋皆不書崩葬。

春王正月。公至自晉。

無傳告於廟。

邾人伐我南鄙。叔彭生帥師伐邾。

叔下脫仲字。

夏五月乙亥齊侯潘卒

七年盟于扈乙亥四月二十九日書五月從赴○孔疏蓋赴以五月到惟言卒

日不言其月即書其所至之月按孔之專杜最至故云然耳

○六月公會宋公陳侯衛侯

鄭伯許男曹伯晉趙盾癸酉同盟于新城

新城宋地在梁國穀熟縣

西○在今河南歸德府商邱縣西南

○秋七月有星孛入于北斗

孛彗也既見而移入北斗非常

所有故書之○李音佩彗似歲反

○公至自會

無傳○晉人納捷菑于邾弗

克納

邾有成君孫自隨盾不度于義而大興諸侯之師涉邾之竟見辭而退雖有服罪之薄所與者廣所害者衆故照稱人○蕩創其反○

九月甲申公孫敖卒于齊

既許復之故從大夫例書卒

○齊公子商

人弑其君舍

舍未踰年而稱君者此君既死舍已即位弑君例在宣四年

○宋子哀來奔

大夫例書名氏貴之故稱字

○冬單伯如齊

單伯周卿士為魯如齊故書○單伯魯大夫張氏洽曰單伯自莊元年至

余已八十餘年未必一人或其子若孫與齊人執單伯諸侯無執王使之義故不依行人例齊人執子

叔姬

叔姬魯女齊侯舍之母不稱夫人自魯錄之父母辭

十四年春頃王崩頃王周公閱與王孫蘇爭政故

不赴凡崩薨不赴則不書禍福不告亦不書奔亡禍也歸復

福也懲不敬也欲使忘撻者自戒

○邾文公之卒也在前公使弔焉不敬邾人來討伐

我南鄙故惠伯伐邾○家氏鉉翁曰魯以七年伐邾取須句邾人不能報至是與南鄙之師左氏乃謂邾人討

魯往弔之不敬彼小國安敢責禮于大國亦修怨耳

○子叔姬妃齊昭公生舍叔姬無寵舍無威公子

商人驟施於國

驟數也商人桓公子妃音配施去聲

而多聚士盡其家貨

於公有司以繼之

家財盡從公及國之有司富者貸

夏五月昭公卒舍

即位

顧氏炎武曰僖二十七年經齊侯昭卒今此昭公即孝公之弟不當以先君之名為諡雖不書葬無可考正而僖十七年傳曰葛蕪生昭公

前後文同先儒無致疑者

○邾文公元妃齊姜生定公二妃晉姬生捷菑文

公卒邾人立定公捷菑奔晉

○六月同盟于新城從於楚者服

從楚者陳鄭宋

且謀邾也

謀納捷菑

○秋七月乙卯夜齊商人弑舍而讓元

元商人兄齊惠公也書九月從

告七月無
乙卯日誤

元曰爾求之久矣我能事爾爾不可使多

蓄憾

不為君
則恨多

將免我乎爾為之

言將復
殺我

○有星孛入于北斗周内史叔服曰不出七年宋

齊晉之君皆將死亂

後三年宋弑昭公五年齊弑懿公七年晉弑
靈公史服但言事微而不論其占固非末學

所得
詳言

○晉趙盾以諸侯之師八百乘納捷菑于邾

八百乘
六萬人

言力
有餘邾人辭曰齊出糴且長

糴且定公○糴俱
縛反且子餘反

宣子曰辭

順而弗從不祥乃還

立適以長
故曰辭順

○周公將與王孫蘇訟于晉王叛王孫蘇

王匡王
叛不與

而

使尹氏與聃啟訟周公于晉

訟理之尹氏周卿士聃
聃周大夫。聃乃甘反。

趙宣

子平王室而復之

復使和親

○楚莊王立

穆王子也

子孔潘崇將襲羣舒使公子變與

子儀守而伐舒蓼

即羣舒

二子作亂城郢而使賊殺子

孔不克而還八月二子以楚子出將如商密

國語曰楚莊王

幼弱子儀為師
王子變為傅

廬戢黎及叔麋誘之遂殺鬬克及公子

變

廬今襄陽中廬縣戢黎廬大夫叔麋其佐鬬克子儀也

初鬬克囚于秦

在僖二十五年

秦有

殺之敗

在僖三十三年

而使歸求成成而不得志

無貨報也

公子變

求令尹而不得故二子作亂

傳言成其幼弱國內亂所以不能與晉競

○穆伯之從已氏也

在八年。已音紀。

魯人立文伯

穆伯之子。穆伯之子穀也。

生二子於莒而求復。文伯以爲請。襄仲使無朝聽

命復而不出。

不得使與聽政事。終廢於家。故出入不書。與音預。

三年而盡室以復。適

莒。文伯疾而請曰：穀之子弱。

子孟獻子。年尚少。

請立難也。

難。難。弟。

難。難。多反。

許之。文伯卒。立惠叔。穆伯請重賂以求復。惠叔

以爲請。許之。將來九月卒于齊。告喪。請葬。弗許。

請以葬。葬。葬也。

葬。葬也。

○宋高哀爲蕭封人。以爲卿。

蕭宋附庸。任附庸。遷升爲卿。

不義。宋公

而出。遂來奔。

出而待於從。放所來故曰遂。

書曰：宋子哀來奔。貴之也。

貴其不食污君之祿辟禍速也。○公羊傳宋子哀者何無聞焉耳穀梁傳其曰子哀失之也范氏注言失其氏族不知何人家氏鉉翁曰宋公不能君亂且作矣子哀若不在其位潔身而去猶之可也既為御矣臨難自免為臣不忠罪莫大焉而以為春秋貴而不名豈聖人垂法之旨哉

○齊人定懿公使來告難故書以九月

齊人不服故三月而後定書以

九月明經日月皆從赴

齊公子元不順懿公之為政也終不曰公

曰夫已氏

猶言某甲○夫音扶已音紀○顧氏炎武曰猶言彼已之子耳

○襄仲使告于王請以王寵求昭姬于齊

昭姬子叔姬

殺其子焉用其母請受而罪之冬單伯如齊請子

叔姬齊人執之

恨魯恃王勢以求女故

又執子叔姬

欲以恥魯

經十有五年春季孫行父如晉○三月宋司馬華

孫來盟

華孫奉使鄰國能臨事制宜至魯而後定盟故不稱使其官皆從故書司馬

○夏曹伯來朝

○齊人歸公孫敖之喪

大夫喪還不書善也感子以救父故公族之恩崇仁孝之教故特錄敖喪歸以示義

○六月辛丑朔日有食之鼓用牲于社

傳例曰非禮也

○單

伯至自齊○晉卻缺帥師伐蔡戊申入蔡

傳例曰獲大城曰入

○秋齊人侵我西鄙○季孫行父如晉○冬十有

一月諸侯盟于扈

將伐齊晉侯受賂而止故總曰諸侯言不足序列

十有二月齊人

來歸子叔姬

齊人以王故來送子叔姬故與直出者異文

○齊侯侵我西鄙遂

伐曹入其郭

郭郭也

傳十五年春季文子如晉為單伯與子叔姬故也

困晉

請齊

○三月宋華耦來盟其官皆從之書曰宋司馬華

孫貴之也

古之盟會必備威儀崇贊幣賓主以成禮為敬故傳曰卿行於從春秋時率多不能備儀華孫能率其屬以從古

典所以敬事而自重使重而事敬則魯尊而禮篤故貴而不名○孔疏聘禮之文有上介衆介至所聘之國則史讀書司馬執幣來賈人拭玉有司展幣其官皆從謂共聘之官無關當有留治政者孫氏覺曰盟會而備其官何足善乎聖人之意殆不然也

公與之宴辭曰

君之先臣督得罪於宋殤公名在諸侯之策臣承

其祀其敢辱君

耦華督曾孫也督弑殤公在桓二年耦自以罪人子孫故不敢屈辱魯君對其宴會

請承

命於亞旅

亞旅上大夫也

魯人以爲敏

無故揚其先祖之罪是不敏魯人以為敏明君子所不與也

○夏曹伯來朝禮也諸侯五年再相朝以脩王命

古之制也

十一年曹伯來朝雖至此乃來亦五年傳為冬齊侯伐曹張本。趙氏鵬飛曰于太叔曰文襄之霸也其務不煩令

諸侯三歲一聘五歲一朝左氏於此見曹伯十一年來朝至是又來朝適當五歲之期遂曰諸侯五年再相朝以修王命古之制也考于禮無五歲再相朝之禮

○齊人或為孟氏謀

孟氏公孫敖家慶父為長庶故或稱孟氏

曰魯爾親也飾

棺寘諸堂阜

堂阜齊魯竟上地飾棺不殯示無所歸

魯必取之從之卞人以

告

卞人魯卞是大夫

惠叔猶毀以為請

教卒則惠叔請之至今期年而猶未已毀過喪禮

立於

朝以待命許之取而殯之

殯于孟氏之寢終叔服之言

齊人送之書

曰齊人歸公孫敖之喪為孟氏且國故也

為惠叔毀請且國之公族

故聽其歸殯而書之

葬視共仲

制如慶父皆以罪降

聲已不視帷堂而哭

聲已惠叔

母想教從其女故帷堂。○孔疏禮弓云尸未設飾故帷堂不斂而徹帷至天斂之節又帷堂以至子殯恒帷堂雜記可朝夕哭則不帷今聲已悵穆伯故朝夕哭仍帷堂也襄仲欲勿哭怨教取其妻惠伯曰喪親之終也惠伯叔彭生

雖不能始善終可也。史佚有言曰兄弟致美各盡其美義乃

終救乏賀善弔災祭敬喪哀情雖不同毋絕其愛

親之道也。子無失道何怨於人。襄仲說帥兄弟以

哭之。他年其二子來教在昔所生孟獻子愛之聞於國獻子

子仲孫茂或譖之曰將殺子。獻子以告季文子。二子曰夫

子以愛我聞我以將殺子聞不亦遠於禮乎。遠禮

不如死。一人門于句瀕一人門于戾邱皆死句瀕戾邱皆邑

有寇攻門二子禦之而死。
遠去聲。句古侯反。龜莫幸反。

○六月辛丑朔日有食之。鼓用牲于社，非禮也。

得常鼓之

月而於社用牲為非禮

日有食之，天子不舉。

去盛饌

伐鼓于社。

責羣陰伐猶擊也

諸侯用幣于社。

社尊於諸侯故請救而不敢責之

伐鼓于朝。

退自責

以昭事

神，訓民事君。

天子不舉諸侯用幣所以事神尊卑異制所以訓民

示有等威，古之道也。

等威威儀儀之等差

○齊人許單伯請而赦之，使來致命。

以單伯執節不移且畏晉故許之

書曰：單伯至自齊，貴之也。

單伯為魯拘執既免而不廢禮終來致命故貴而告朝。張氏洽曰：若如

左氏之說以單伯為周大夫則其齊統于春秋既不書其自周來魯又止書其至魯而不復言其歸京師是同之子魯之臣子無復周魯大夫之別耳

無以明齊人之款王使豈春

秋辨二下尊王室之義哉

○新城之盟

在前年

蔡人不與

不與

晉卻缺以上軍下軍

伐蔡

兼帥二軍

曰君弱不可以怠

怠解也

戊申入蔡以城下之

盟而還凡勝國曰滅之

勝國絕其社稷有其土地

獲犬城焉曰入之

得大都而不有

○秋齊人侵我西部故季文子告于晉冬十一月

晉侯宋公衛侯蔡侯陳侯鄭伯許男曹伯盟于扈

尋新城之盟且謀伐齊也

齊執王使且數伐魯

齊人賂晉侯故

不克而還於是有齊難是以公不會

明公不與諸侯

書

曰諸侯盟于扈無能爲故也

惡其受賂不能討齊

凡諸侯會公

不與不書諱君惡也

謂國無難不會義事故爲惡不書謂不國別序諸侯

與而不書

後也

謂後期也今貶諸侯似爲公諱故傳發例以明之

○齊人來歸子叔姬王故也

單伯雖見執能守節不移終達王命使叔姬得歸

○齊侯侵我西鄙謂諸侯不能也

不能討已

遂伐曹入其

郛討其來朝也

此年夏朝

季文子曰齊侯其不免乎已則

無禮

執王使而伐無罪

而討於有禮者曰女何故行禮禮以

順天天之道也已則反天而又以討人難以免矣

詩曰胡不相畏不畏于天

詩小雅

君子之不虐幼賤畏

于天也在周頌曰畏天之威于時保之

詩周頌言畏天威于是保福祿

不畏于天將何能保以亂取國奉禮以守猶懼不

終多行無禮弗能在矣

為十八年齊弑商人傳

經十有六年春季孫行父會齊侯于陽穀齊侯弗

及盟

及與也

○夏五月公四不視朝

諸侯每月必告朝聽政因朝於廟今公以疾闕不得

視二月三月四月五月朔也春秋十二公以疾不視朝非一也義無所取故特舉此以表行事因明公之實有疾非詐齊

○六月戊

辰公子遂及齊侯盟于鄆邱

信公疾且以賂故鄆邱齊地。鄆音西。當在山東東昌府東

阿縣境

○秋八月辛未夫人姜氏薨

信公夫人文公母也

○毀泉臺

泉臺臺名毀壞之也

○楚人秦人巴人滅庸○冬十有一月宋

人弑其君杵臼

稱君君無道也
例在宣四年

傳十六年春王正月及齊平

齊前年再伐魯魯為
受弱故平。為去聲

公有疾

使季文子會齊侯于陽穀請盟齊侯不肯曰請俟

君閒

閒疾瘳。閒如
字。廖勳周反

○夏五月公四不視朔疾也公使

襄仲納賂于齊侯故盟于郟邱

○有蛇自泉宮出入于國如先君之數

伯禽至僖
公十七君

秋

八月辛未聲姜薨毀泉臺

魯人以為蛇妖所出而聲姜薨故壞
之。孔疏臺在宮內毀臺并毀其宮

○楚大饑戎伐其西南至于阜山師于大林又伐

其東南至于陽邱以侵訾枝

戎山夷也。大林陽邱訾枝皆楚
邑。今湖廣鄖陽府房縣南五

十里有阜山荆門州西北有長林城孔疏四夷之名隨方定稱則曰東夷西戎南蠻北狄其當處三名則各從方說故北戎病燕齊侯伐山戎北方得有戎故楚西亦有戎我楚山間之民夷為四方總號故云戎山夷也

庸人帥羣蠻以叛楚

庸今上庸縣屬楚之小國

○今鄖陽府竹山縣古上庸地

麋人率百濮聚於選將伐楚

選楚地百濮夷也○選當在湖

廣荊州府枝江縣南境釋例曰建寧郡南有濮夷無君長總統各以邑落自聚故稱百濮

於是申息之北門不

啓

備中

楚人謀徙於阪高

楚險地○當在湖廣襄陽府西境

蔣賈曰不可

我能往寇亦能往不如伐庸夫麋與百濮謂我饑

不能師故伐我也若我出師必懼而歸百濮離居

將各走其邑誰暇謀人乃出師旬有五日百濮乃

罷

濮夷無屯聚見難則散歸自廬以往振廩同食

往往伐庸也振發也廩名也同食上下無異饑也

次

于句澁

楚西界也。句古侯反。當在襄陽府均州西。

使廬戢黎侵庸

戰黎廬大夫

及庸

方城

方城庸地上庸縣東有方城亭。今竹山縣東四十五里有方城是也。

庸人逐之。因子揚窻

窻戰黎官屬

三宿而逸。曰庸師衆羣蠻聚焉。不如復大師

還復句澁師

且起王卒。合而後進。師叔曰不可

師叔楚大夫潘尪也

姑

又與之遇。以驕之。彼驕我怒。而後可克。先君蚡冒

所以服陘隰也

蚡冒楚武王父陘隰地名。蚡扶粉反。史記楚世家云蚡冒卒。弟熊通弑蚡冒子而代立。是為楚武王。與杜

異。荆州府東多谿山之險。故名陘隰。

又與之遇。七遇皆北

軍走曰北

唯裨儵魚人

實逐之

裨儵魚庸三邑。魚魚復縣。今巴東永安縣。輕楚故。但使三邑人逐之。裨裨支反。儵宜留反。今四川夔州府奉節縣。即古魚復

縣。以縣東魚復浦得名。蜀漢曰永安。

庸人曰。楚不足與戰矣。遂不設備。楚

子乘駟會師于臨品

駟傳車也臨品地名○駟人實反傳丁熱反○臨品當在均州界

分爲二隊

隊部也兩道攻之○隊徒對反

子越自石溪子貝自仞以伐庸

子越闕叔也石溪仞入庸

道○當在均州界

秦人巴人從楚師羣蠻從楚子盟

蠻見楚強故

遂

滅庸

傳言楚有謀臣所以興

○宋公子鮑禮於國人

鮑昭公庶弟文公也

宋饑竭其粟而貸

之年自七十以上無不饋詒也時加羞珍異

羞進也

日不數於六卿之門

數不疏○數音朔

國之材人無不事也

有賢材者

親自桓以下無不恤也

桓鮑之曾祖

公子鮑美而豔襄

夫人欲通之

鮑嬀祖母

而不可

以禮自防閑

乃助之施昭公無道

國人奉公子鮑以因夫人。於是華元爲右師。

元華督曾孫代

公子成

公孫友爲左師。華耦爲司馬。

代公印鮮隲爲司徒。

蕩意諸爲司城。公子朝爲司寇。

代華御事

初，司城蕩卒，公

孫壽辭司城。

壽蕩之子

請使意諸爲之。

意諸壽之子

既而告人曰：

君無道，吾官近懼及焉。

禍及已

弃官則族無所庇，子身

之貳也。姑紆死焉。

姑凡也紆緩也。紆音舒。

雖亡子，猶不亡族。

已在故也。

夫人將使公田孟諸而殺之。公知之，盡以寶行。蕩

意諸曰：盍適諸侯。公曰：不能其大夫，至于君祖母。

以及國人。

君祖母諸侯祖母之稱謂襄夫人。

諸侯誰納我？且既爲人君。

而又爲人臣不如死盡以其寶賜左右而使行也

夫人使謂司城去公對曰臣之而逃其難若後君

何言無以事後君冬十一月甲寅宋昭公將田孟諸未至夫

人王姬使帥甸攻而殺之襄夫人周襄王姊故稱王姬帥甸邠甸之帥。孔疏近國為郊郊外為甸。

天子之甸為公邑之田則諸侯之甸亦公邑也帥甸者甸地之帥當是公邑之大夫也獨言帥甸無以相明故舉類言之云郊甸之帥其實正是甸地之帥

非郊地之帥也蕩意諸死之不書不告書曰宋人弑其君杵臼君無

道也始例發於臣之罪今稱國人故重明君罪。汪氏克寬曰昭公無道久失衆心故襄夫人使人因衆惡而殺之書曰宋人弑其君既足若昭公

無道之實又斥宋人大惡之罪而襄夫人以君祖母縱國人之弑其君其與弑之罪不書而自見矣文公即位使母弟

須爲司城代意華耦卒而使蕩虺爲司馬虺意諸之弟虺况也反

經十有七年春晉人衛人陳人鄭人伐宋

自閔僖以下終於春秋陳

侯常在衛侯上今大夫會在衛下傳不言陳公孫寧後至則寧位非上卿故也

○夏四月癸亥葬我小

君聲姜

高氏閔曰不稱傳姜而別為之謚非禮也

○齊侯伐我西鄙

西當為北蓋經誤

六月癸未公及齊侯盟于穀○諸侯會于扈

昭公雖以無道

見弑而文公猶宜以弑君受討故林父伐宋以失所稱人晉侯平宋以無功不序明君雖不君臣不可不臣所以督大教

○秋公至

自穀

無傳

○冬公子遂如齊

傳十七年春晉荀林父衛孔達陳公孫寧鄭石楚

伐宋討曰何故弑君猶立文公而還卿不書失其

所也

卿不書謂稱人○胡傳列國之卿其君所與共天位治天職者宋有弑君之亂欲行天討而伐宋乃其職也復不能討而成其亂是不足為

國卿失其職矣

○夏四月癸亥葬聲姜有齊難是以緩

過五月之例。劉氏敞曰按聲

姜薨後乃無齊難既葬而有齊師耳

○齊侯伐我北部襄仲請盟六月盟于穀

晉不能救魯故請服

○晉侯蒐于黃父

一名黑壤晉地。詳七年

遂復合諸侯于扈平宋

也

傳不列諸國而言復合則如上十五年會扈之諸侯可知也

公不與會齊難故也書曰

諸侯無功也

刺欲平宋而復不能。與音預

於是晉侯不見鄭伯以爲

貳於楚也鄭子家使執訊而與之書以告趙宣子

執訊通訊問之官為書與宣子

曰寡君即位三年

魯文二年

召於侯而與之事

君九月蔡侯入于敝邑以行

行朝

敝邑以侯宣多之

難寡君是以不得與蔡侯偕

宣多既立穆公恃寵專權

十一月克滅

侯宣多而隨蔡侯以朝于執事

滅損也難未盡而行言汲汲於朝晉

十二

年六月歸生佐寡君之嫡夷

歸生子家名夷大子名

以請陳侯于

楚而朝諸君

請陳于楚與俱朝晉

十四年七月寡君又朝以蕞

陳事

蕞救也救成前好蕞救成

十五年五月陳侯自敝邑往朝于

君往年正月燭之武往朝夷也

將夷往朝晉

八月寡君又

往朝以陳蔡之密邇於楚而不敢貳焉則敝邑之

故也

密邇比近也

雖敝邑之事君何以不免

免免罪也

在位之中

一朝于襄

襄公

而再見于君

君靈公也

夷與孤之二三臣相

及於絳

孤之二三臣謂燭之武歸生自謂也絳晉國都

雖我小國則蔑以過之矣

今大國曰爾未逞吾志敝邑有亡無以加焉古人

有言曰畏首畏尾身其餘幾

言首尾有畏則身中不畏者少

又曰鹿死

不擇音

音所秣蔭之處古字聲同皆相假借○秣虛求反蔭於鳩反

小國之事大國也德

則其人也

以德如已則以人道相事

不德則其鹿也鋌而走險急何

能擇

鋌疾走貌言急則欲險秣於楚如鹿赴險○鋌他音反

命之罔極亦知亡矣

言晉命無極

將悉敝賦以待於儵唯執事命之

儵晉鄭之竟言欲以兵距晉

文公

二年六月壬申朝于齊

鄭文二年六月壬申魯莊二十三年六月二十四日

四年二月

壬戌爲齊侵蔡

魯莊二十五年二月無
壬戌壬戌三月二十日

亦獲成於楚

鄭與楚成居

大國之間而從於彊令豈其罪也

今號令也

大國若弗圖

無所逃命晉鞏朔行成於鄭趙穿公壻池爲質焉

趙穿卿也公壻池晉侯女

壻○鞏九勇反質音致

○秋周甘歆敗戎于邲垂乘其飲酒也

歆周大夫邲垂
周地河南新城

縣北有垂亭爲成元年晉侯平戎于王張本○歆昌欲反邲音
審○服氏虔曰邲亭在高都南今爲河南河南府洛陽縣地

○冬十月鄭太子夷石楚爲質于晉

夷靈公也石
楚鄭大夫

○襄仲如齊拜穀之盟復曰臣聞齊人將食魯之
麥以臣觀之將不能齊君之語偷臧文仲有言曰

民主偷必死偷猶苟且

經十有八年春王二月丁丑公薨于臺下○秦伯

罃卒

無傳未同盟而赴以名罃於耕反○康公也

○夏五月戊戌齊人弑其君

商人

不稱盜匪商人○孫氏竟曰齊人殺商人自以其私非討賊也春秋之義弑君大惡之人殺之必正其罪苟不討其罪又以其私則亦曰弑君也所以原情定罪而大為之防也

○六月癸酉葬我君文公○秋公子

遂叔孫得臣如齊

書二卿以兩事行非相為介

○冬十月子卒

先君既葬不稱

君者魯人諱弑以未成君書之子在喪之稱○胡傳諸侯在喪稱子既葬不名踰年稱君

○夫人姜氏歸于齊

○季孫行父如齊

無傳

○言弑其君庶其

稱君君無道也

傳十八年春齊侯戒師期將以伐魯而有疾醫曰不及

秋將死公聞之卜曰尚無及期尚庶幾也欲惠伯令龜

以下事卜楚邱占之曰齊侯不及期非疾也君亦不

告龜聞言君先令龜有咎言令龜者亦有凶咎見二月丁丑公薨

○齊懿公之爲公子也與邴歆之父爭田弗勝及

即位乃掘而刑之斷其尸足而使歆僕僕御也納閭職之

妻而使職驂乘驂乘陪乘夏五月公游于申池齊南城西門名申門齊城

無池唯此門左右有池疑此則是。郡國志謂之左右池即系水源也今在山東青州府臨淄縣西二人浴于池歆

以扑扶職扑筮也撲擊也欲以職怒歆曰人奪女妻而不

怒一扶女庸何傷職曰與刑其父而弗能病者何

如言不以父別為病恨乃謀弑懿公納諸竹中○納懿公子申池之竹中歸舍爵

而行飲酒訖乃去言齊人惡懿公二人無所畏○舍音赦置也齊人立公子元桓公子惠公

○六月葬文公秋襄仲莊叔如齊惠公立故且拜

葬也襄仲賀惠公立莊叔謝齊來會葬

○文公二妃敬嬴生宣公敬嬴嬖而私事襄仲宣

公長而屬諸襄仲襄仲欲立之叔仲不可叔仲見

于齊侯而請之齊侯新立而欲親魯許之冬十月

仲殺惡及視而立宣公惡天子視其母弟殺視不書賊之書曰子卒諱

之也仲以君命召惠伯詐以子惡命其宰公冉務人止之

曰入必死。叔仲曰：死君命可也。公冉務人曰：若君

命可死，非君命，何聽？弗聽，乃入殺而埋之。馬矢之

中。惠伯死不書者，史畏裏仲不敢書殺惠伯。公冉務人奉其帑以奔蔡，既而復

叔仲氏。不絕其後。

○夫人姜氏歸于齊，大歸也。惡視之，毋出姜也。嫌與有罪出者異，故復發傳。將行，

哭而過市，曰：天乎！仲爲不道，殺適立庶，市人皆哭。

魯人謂之哀姜。所謂出姜不允於魯。

○莒紀公生犬子僕，又生季佗，愛季佗而黜僕。且

多行無禮於國。紀號也。莒更無謙故有別號。佗徒何反。僕因國人以弑紀公。

以其寶玉來奔納諸宣公

○卓氏爾康曰紀公多行無禮僭

既惡庶其何復立其所愛若僕實弑春秋何為沒而不書吳幼清疑之遂有趙匡氏改字之說曰傳文僕因國人以弑紀公如改以字作之字則經文了然僕非行弑而諸疑可解矣不知以已二字古人通用其文以也其義已也僕見國人弑君恐已得禍竊寶以奔苟為利而已

公命與之邑曰今日必授季文子使司寇出諸竟曰今日必

達

未見公而文子出之故來不書

公問其故季文子使大史克對曰先

大夫臧文仲教行父事君之禮行父奉以周旋弗

敢失隊

音隊

曰見有禮於其君者事之如孝子之養

父母也見無禮於其君者誅之如鷹鷂之逐鳥雀

也先君周公制周禮曰則以觀德

則法也合法則為吉德

德以處

事處猶制也事以度功度量也。度待洛反下同功以食民食養也。食音嗣作誓命

曰毀則為賊誓要信也毀則壞法也掩賊為藏掩匿也竊賄為盜賄財也

盜器為姦器國用也主藏之名以掩賊為名賴姦之用用姦器也為大

凶德有常無赦刑有常在九刑不忘誓命以下皆九刑之書九刑之書今亡行父

還觀莒僕莫可則也還猶周旋。還音旋反覆之意孝敬忠信為吉德

盜賊藏姦為凶德夫莒僕則其孝敬則弑君父矣

則其忠信則竊寶玉矣其人則盜賊也其器則姦

兆也兆域也保而利之則主藏也以訓則昏民無則焉

不度於善度度也而皆在於凶德是以去之昔高陽氏

有才子八人

高陽帝顓頊之號八人其苗裔。孔疏先儒舊說及

皆國氏土地之號

蒼舒、隤、欒、檮、戡、大臨、虓、降、庭堅、仲容、叔達

此即垂益禹皋陶之倫庭堅即皋陶字。隤音頤。欒音五才反。檮音桃。戡音演。虓音廳。降音仇。

齊聖、廣淵、明允

篤誠、天下之民謂之八愷

齊中也淵深也允信也篤厚也愷和也

高辛氏有

才子八人

高辛帝嚳之號八人亦其苗裔。嚳音苦。毒反。

伯奮、仲堪、叔獻、季仲、伯

虎、仲熊、叔豹、季狸

此即稷契朱虎熊羆之倫。狸音羆。

忠、肅、共、懿、宣、慈、惠

和、天下之民謂之八元

肅敬也懿美也宣徧也元善也。共音恭。

此十六族也

世濟其美，不隕其名

濟成也。隕隊也。

以至於堯，堯不能舉舜

臣堯，舉八愷使主后土

后土地官禹作司空。平水土即主地之官。

以揆百事，莫

不時序地平天成

揆度也成亦平也

舉八元使布五教于四

方

契作司徒五教在寬故知契在八元之中

父義母慈兄友弟共子孝內平外

成

內諸夏外夷狄

昔帝鴻氏有不才子

帝鴻黃帝

掩義隱賊好行凶

德醜類惡物頑嚚不友是與比周

醜亦惡也比近也周密也嚚魚巾反比毗志反

天下之民謂之渾敦

謂驩兜渾敦不開通之貌○渾戶木反敦徒本反

少皞氏有不

才子

少皞金天氏之號次黃帝

毀信廢忠崇飾惡言靖譖庸回服讒

菟慝以誣盛德

崇聚也靖安也庸用也回邪也服行也菟隱也慝惡也盛德賢人也

天下之民謂

之窮竒

謂共工其行窮其好竒○孔疏行惡終必窮故云其行窮也好惡言好讒慝是所好竒異于人也

顓頊氏有

不才子不可教訓不知話言

話善也○話戶怪反

告之則頑

德義不入

心舍之則器

不道忠信
○舍音赦

傲很明德以亂天常天下之民

謂之構杙

謂無構杙頑凶無備
匹之貌○很戶鑿反

此三族也世濟其凶增其

惡名以至于堯堯不能去

方以宣公比堯行父比舜故言
堯亦不能去須賢臣而除之

雲氏有不才子

縉雲黃帝
時官名

貪于飲食冒于貨賄侵欲

崇侈不可盈厭聚斂積實不知紀極不分孤寡不

恤窮匱

冒亦貪也
滿也實財也

天下之民以比三凶

非帝者子孫故
別以比三凶謂

之饕餮

貪財為饕貪食為餮
饕他刀反饕他結反

舜臣堯

為堯
臣

賓于四門

開四門
達四聰

以賓禮
衆賢

流四凶族

案四凶罪狀
而流放之

渾敦窮竒構杙饕餮投諸

四裔以禦魍魎

投奔也裔遠也放之四遠使當魍魎之災魍魎山林異
氣所生為人害者○魍魎知反山神獸形魍魎反說

文作魁云老精物也魁或從未

是以堯崩而天下如一同心戴舜以爲

天子以其舉十六相去四凶也故虞書數舜之功

曰慎徽五典五典克從無違教也

徽美也典常也此八元之功○數音所

曰

納于百揆百揆時序無廢事也

此八愷之功

曰賓于四門

四門穆穆無凶人也

流四凶

舜有大功二十而爲天子

舉十六相去四凶也

今行父雖未獲一吉人去一凶矣於舜之

功二十之一也庶幾免於戾乎

史克激稱以韓宣公之感釋行父之志故其言美惡有過

辭蓋事宜也

○宋武氏之族道昭公子將奉司城須以作亂

文公弒昭

公故武族欲因其子以作亂司城須文公弟

十二月宋公殺母弟須及昭公子

使戴莊桓之族攻武氏於司馬子伯之館

戴族華樂也莊族公

孫師也桓族向魚鱗落也司馬子伯華耦也○向舒亮友

遂出武穆之族

穆族黨于武氏故

使公孫

師爲司城

公孫師莊公之孫

公子朝卒使樂呂爲司寇以靖

國人

樂呂戴公之曾孫爲宣三年宋師圍曹傳

春秋左傳杜注卷第九